

靈寶无量度人上品妙經卷之四十四 字四

洞神禳災品

道言昔於太極天中青華安保大真明土受
靈寶度人洞神禳災无量上品扶桑洞神大
道君當說是經周迴十過以召十方扶桑世
界一切真仙亘太極之東九十萬里碧海之
內中有大山根連洞溟金沙重疊貫軸下元
上出大无紫空神境西連太極南峙炎陵北
定幽門中通玄都而此世界十萬餘里神峯
巨嶺隱顯滄浪梵浮瑞光青霞之氣暮暮在

上青玉爲城碧林爲宮地凝紺華拱生扶桑
根蟠東極枝條相向青碧爲光千葉之上自
然天文帝真赤書九氣鳳文以鎮十方諸天
日月下出陽機自運晝夜六時天漢波潮雲
濤爭湧仙都人民十二品格百千種物太无
三氣化生號青宮扶桑世界元始天尊分神
萬天散形千億忽於此方命以扶桑之天青
華道境靈胃孕精挺生空洞之極號扶桑洞
神大道君外曰扶桑大帝出納太陽賓饒濛
汜真形爲日月之精魂爲南極長生大帝其

季次曰青華帝君扶桑育洞神之氣氣變九劫體貌完具東真道成爲洞神大道君扶桑洞神者九陽真精之氣也生於扶桑之內化爲劫火更爲明指辯慧高聖之德德之至神爲大道之君道君執萬物之母以化生元胎含五行之精以鑪錘天地世之災變必由火殃火爲災本而道有扶桑洞神之祖以御其變扶桑青林之氣大則冶鍊真文增益玄道小則禳災散禍福祐群生比之火然必緣於木木胎藏火火屬於神神養木中天災自息

可禳之道故扶桑洞神大道君為禳災之主也降於太極始當詣座扶桑真境道德大神上聖高尊青帝真人无鞅數眾乘空而來碧落飛雲青林鬱秀颯輪潜運洞蓋垂華蒼龍妙光迢迢无外流霞丹景混合渺茫七日七夜諸天昭臺日館星闕璣轅一時停軌靈風遠溢海岱明雲天无異色九氣鬱清一國地土山川林木瓊藻粲芳青文壘起紫璆振響合音空洞扶桑洞神大道君於玄靜之中為諸生民解禳災厄玄坐空浮紫霄寶光玉座

之上說經一徧諸天大聖同時稱善是時一國男女災病普皆消散說經二徧太極天開萬真同會說經三徧仙都揚煙慶周三界說經四徧靈心內通究識妙體說經五徧龍鳴海空神波遠浹說經六徧三災不作萬物生榮說經七徧神輝同映層闕光明說經八徧五篇雲篆紫籙成音說經九徧玉華飛空重綵交煥說經十徧洞神垂照泉曲蒙恩是時一國是男是女莫不傾心皆受護度咸得長生

道言是時扶桑洞神大道君說經一徧東方
无極无量品禳災解厄洞神至真大神无鞅
之衆浮空而至說經二徧南方无極无量品
禳災解厄洞神至真大神无鞅之衆浮空而
至說經三徧西方无極无量品禳災解厄洞
神至真大神无鞅之衆浮空而至說經四徧
字四
北方无極无量品禳災解厄洞神至真大神
无鞅之衆浮空而至說經五徧東北无極无
量品禳災解厄洞神至真大神无鞅之衆浮
空而至說經六徧東南无極无量品禳災解

厄洞神至真大神无鞅之衆浮空而至說經
七徧西南无極无量品穰災解厄洞神至真
大神无鞅之衆浮空而至說經八徧西北无
極无量品穰災解厄洞神至真大神无鞅之
衆浮空而至說經九徧上方无極无量品穰

災解厄洞神至真大神无鞅之衆浮空而至
說經十徧下方无極无量品穰災解厄洞神
至真大神无鞅之衆浮空而至十徧周竟十
方无極穰災解厄天真大神一時同至一國
男女傾心歸仰來者如赴淵之流應潮之水

渺然无际不見端倪无鞅之衆舉國内外或有體用未分因緣爲災智慧不爽法染爲災神氣不合分別爲災道性不明執妄爲災去取空有邪正爲災戀著法身認已爲災貪著神通變幻爲災欲出三界生死爲災識悟大道无作爲災測量元化狂瞽爲災不知洞神陰陽爲災出入胎藏凡聖爲災凡此十二大災天人大神至學之災也復有世間之災出胎之時業力所轉橫側爲災童孺之時驚忤爲災壯歲之時運度爲災營辦之時得喪爲

災修舉之時氣候為災起居之時疾病為災
有作之時鬼神為災昧心之時天地為災負
國之時刑戮為災不孝之時雷火為災不戒
之時天禁為災汙慢之時夭折為災潛毒之
時陰陽為災貪徇之時溢分為災居世之時

字四

四

偽薄為災凡此十五大災世所罹犯以至身
命喪失五命加臨天星為殃地司執錄三官
上奏五帝注尤此等災厄累繫身心咸赴道
君廣大法席周帀圍繞瞻望天顏佇聽玉音
宣示禳災普利大法於是扶桑教主洞神太

上大道君攬日月雲龍之綬轉瑞玉明光之
几俯顧大衆欣眎十方條欵之間分身千億
一切衆生各起生緣及諸境界一一衆生皆
見已身親對聖身長跪受記撫頂訓言演說
扶桑爲生氣之根中生洞神之氣爲萬類之
精神一切大災存念洞神正真九陽之光无
災不除滌滅厄害於其會中見一道君浮坐
紫雲曲蔭扶桑玉章紋葉之下洞神之氣化
爲丹林丹林千真冠劔竦列去地五丈洞神
大道君登引穰災解厄洞神天真大神韓司

主錄南宮移度却災順行神君上聖高尊青
華耀寶真人十方无極至真大神无鞅數衆
俱入神林扶影之內天人仰看惟見勃勃從
洞光中入既入林光不知所在國人廓散碧
壘砥平神林靜默洞神大道君即於化境之

字四

五

內說經都竟衆真監度以授於我當此之時
喜慶難言法事粗悉諸天復位空洞生神寂
无遺響是時天人遇值經法普得濟度全其
本年无有中傷傾土歸仰災患消穰清靜本
心心既淨正邪道不干星軌凌犯鬼神禍刑

三災四殺五行六害七傷八難九厄過度災
咎除滅不祥言契中道中无毀非齊同慈愛
異骨成親國安民豐欣樂太平經始出教一
國以道預有至心宗奉崇禮皆得度世

道言洞神大道君說經中所言並是諸天上
帝禳災致福隱韻之音亦是魔王內諱禳消
萬災之隱名也非世之常辭上聖已成真人
通玄究微能悉其章誦之十過諸天降真災
氣沈滅厄禍擯竭本命開先生福自然天真
警衛非道无干群仙凜顏靈司鼓節灑霞分

絢寶海發光世故殄除惡煙飄息回災轉厄
進業成真至學之士誦之十過則列帝同格
衆天退映護世災殃悉令穰解民物安謐生
道永昌毒害消散鬼精喪眼五帝侍迎三界
稟命濟度垂死絕而得生所以爾者學士道

德充備鬼神尊仰體洞真極神力周滿誦詠
至經福降災消一切衆生禳脫衆難玄通天
政伏御地祇束縛魔靈不但却死亦能更生
輕誦此章身則被殃供養尊禮門戶興隆世
世昌熾與善因緣萬災不干神明護門斯經

尊妙獨步玉京度人无量爲萬道之宗巍巍
大範德難可勝

道言凡誦是經十過九天消災散禍諸天大
神齊到攘除厄難暗宿陰曜玄天神首字戾
凶怪將臨命限齋心祈懇永斷衰殃數極劫

字四

六

終魂神受度上昇朱宮格皆九年受化更生
得爲貴人而好學至經功滿德就皆得神仙
飛昇金闕遊宴玉京也上學之士修誦是經
惠澤滋洋生類蒙福重災巨厄清蕩捐釋皆
即受度飛昇南宮世人受誦則延壽長年後

靈寶无量度人上品妙經

皆得作尸解之道洞神火精鍊骨變仙形神
隱顯出入自在栖泊福庭逍遙道域即得返
形遊行太空此經微妙普度无窮一切天人
莫不受慶无量之福生死蒙惠上天所寶不
傳下世至士齋金寶效心盟天而傳輕泄漏
慢殃及九祖長役鬼官侍經五帝玉童玉女
各二十四人營衛神文保護受經者身

道言正月長齋誦詠是經解禳上世亡鬼塚
訟鬼官臨注之災斷滅殃傳夜河之役度上
南宮七月長齋誦詠是經解禳已身天羅地

網九橫凶醜天獄刑害之厄身得神仙諸天
書名黃籙白簡削死上生十月長齋誦詠是
經解日月勃蝕天地運否邪源祆孽境土國
界之災人民毒疫傷犯天絕爲國王帝主君
臣父子安鎮國祚保天長存世世不絕常爲
人君安鎮其方民稱太平八節之日誦詠是
經解穰氣數遷易交變時節之災口舌罪咎
禁繫殺傷之厄水火窮衰閉塞之難九宮降
神下衛其身本命之日誦詠是經解穰北斗
追召生魂死注坎蹇窘辱之災魂神澄正萬

氣長存不經苦惱身有光明三界侍衛五帝
司迎萬神朝禮名書上天功滿德就飛昇上
清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
十方穰災洞神大神儼對前後項生圓象
光映十方如此分明密呪曰

卷四十四第九

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊儿前畢

引炁三十二過東向誦經

元始无量度人上品妙經

元始洞玄靈寶本章洞神禳災妙品天福度
人百魔隱韻離合自然洞神赤文无无上真
元始祖劫化生諸天青華木真萬物生根生
氣流布精液氤氲木之尊神元氣之子氣生
真水水變生木字四木含青華之氣為萬物之主
其青華木精中含明性化而為火火色赤明
通妙成真自然生神體洞太虛解悟誠明其
氣長生炎動熒熒名曰洞神洞神至真物得
生成一切邪殃見之悉寧為道真體災凶邪

偽莫可禦當地有五金得火見精萬物入火
變化无方易骨登玄思妙全天理臻又玄如
世災殃非正之歸洞神乘之萬災折摧洞神
九陽生福无量得者長存物感永滅神風揮
激丹霞飄揚屈曲成文三景同光禳災護生
刻榜瓊堂上通三天无无道鄉下極玉山鬱
羅混黃中施群類救禳災殃嚙佩神文引吸
太陽紫烟内凝燦灼煒煌爲道之要起升之
門天真之因化生神靈制運保民皆由洞神
神氣大梵周迴十方中有禳災回福之神滅

禍延生之君洞神解厄尊神東華度命之君
太皇萬福丈人中有扶桑定命除災之神消
災散禍道德之君禳祈應契无量度人今日
校錄諸天臨軒

東方无極洞神禳災神王長生大聖无量度人

南方无極洞神禳災神王長生大聖无量度人

西方无極洞神禳災神王長生大聖无量度人

北方无極洞神禳災神王長生大聖无量度人

東北无極洞神禳災神王長生大聖无量度人

東南无極洞神禳災神王長生大聖无量度人

西南无極洞神禳災神王長生大聖无量度人
西北无極洞神禳災神王長生大聖无量度人
上方无極洞神禳災神王長生大聖无量度人
下方无極洞神禳災神王長生大聖无量度人
十方洞神禳災神王長生度世无量大神並
乘颿輪回旋燿景之輿丹瓊雕輦華蓋珠旒
驂駕龍鳳十絕九光之幢四氣八景明离之
帳前嘯梵音齊唱後吹瓊籟同鳴金鶴丹禽
嘯歌嘯嘯六甲啓道九老翼轅億乘萬騎浮
空而來傾光回駕監真度生諸天丞相南昌

上官司命司錄穰災散禍延壽益算度厄尊
神執錄把籍齊到帝前隨所應度嚴校諸天
普告三界无極神鄉泉曲之府北都羅酆三
官九府十二河源行災主瘟天大殺鬼冥曹
之神穰免世間生類刑禍衰虛之災改易簿

書勾落災祥使生常存福慶日增疾除罪釁
落滅惡根不得拘留逼合鬼群道君符命時
刻升遷順剛入斗迴度天關出死入生上見
帝宸制魔保舉度品南宮魂魄受鍊災消福
應生身受度劫劫長存隨劫輪轉與天齊年

永度三塗五苦八難超凌三界逍遙上清上
清之天天帝玉真无色之境梵行

東方八天

玉曆玄度天

帝真定儀陽

錫納慶祖天

帝仇辨嬰常

九氣敬賢天

帝收提耿光

青華利元天

帝孚蒲耳敦

韓都九司天

帝旺池奚銘

部同超後天

帝鄙宗時隆

丹林隱立天

帝僑蹤彥松

九色剛種天

帝月支子容

南方八天

耀浮壇寓天

帝景肇建生

重先普時天

帝玉微觀靈

洞極丹儀天

帝祖竒歸仁

正基太度天

帝除思步肱

辨阿錄成天

帝感儀聰

玄殊惠凝天

帝彥侶馮靈

九陽歷靖天

帝路蚪師陰

章梵元淨天

帝伍丘思全

西方八天

參寂玄際天

帝大无元

兆津普夷天

帝師度歌延

妙瑜素靈天

帝順師洞陰

金扉皓墟天

帝藻辭願晡

洞惠明妙天

字四

帝根齊踈袞

十一

招真空碧天

帝蟻東枝傾

國定慶基天

帝浪敷由央

皇思時龍天

帝夢元夷玄

北方八天

靈寶度量人上品妙經

道力弘度天

帝學務演直

豫懌玄明天

帝長善珉

助極德契天

帝景章融妃

九素思玄天

帝洞覺耀真

潛耀承光天

帝軸羅用崔

太元崇構天

帝臺淵奔施

皓幾宗神天

帝鹿杜冥樞

幽叟遼期天

帝月上真

三十二天三十二帝諸天隱諱諸天隱名洞

神梵氣自然靈章諸天隱韻洞神之音洞神

之尊洞神之神洞神大魔洞神之靈性和神
合變化上清无量之奧深不可詳敷落神真
普度天人今日欣慶受度禳災去非太上考
按宿舍回軒黑道百試血火千殃災及世間
鬼謀福怨誣成巨災歷關諸天請滅五苦勅
斬五衰飛步天垣命據九元害氣永滅道君
錫年洞神降精想入天門東斗校錄西斗攝
靈北斗禳解改易災名南斗符命赤書護身
中斗注壽大福總靈青帝保命白帝過殃赤
帝度錄黑帝釋禳黃帝管衛福慶煌煌青天

大神使災不生赤天大神呪詛不成白天大神
喪害潛形黑天大神清蕩鬼營黃天大神
靈圖鎮真內安五臟外集百神靈文玉章元
氣之根禍難撲滅光明赫升五天大神萬鬼
之君飛行空界總領鬼兵麾幢鼓節遊觀九
冥朱幡赫奕紫氣輝騰諸天改度災變福臻
上天度人嚴攝北酆洞神太上普掃災凶八
威攝氣猛馬四攻天丁捕鬼大帥縛龍擲火
萬里流鈴八衝敢有干試妄為衆災北帝漂
骨南斗焚骸屠割鬼爽誅斬無借風火浩浩

豁落燒摧千千截首萬萬剪形魔無干犯鬼
無祆精三官北酆明檢鬼管不得容隱金馬
驛呈普告無窮萬神咸聽三界五帝列言上
清

元洞青華氣結碧霞曲扶神桑紫文雲芽本
神爲生生道爲春化物之祖洞神之尊洞神
陰火制鍊陽魂人物遇之即成仙真允被世
災邪回所興心能契真禍散消雲洞神吐氣
不祥如焚生福之源玉京玄山左淨右霞金
液玉泉巍巍九天氣入重玄玄道無色玄下

無淵風澤洞虛玄中有天天上天下無幽無
冥無形無影無極無窮溟滓大梵遼廓無光
當爾之時孰爲述災亦明開圖萬象克諧善
集成福積惡成災災福之聲皆心所生道體
無形道心無爲無形無爲福災何媒洞神道

字四

十三

君至慈運悲回災就福護生不遺五篇玉字
八威龍文襍革故氣延筭遠期保制劫運使
天長存梵氣彌羅萬災伏藏元網流演三十
二天輪轉無色周迴十方斗中司命注福除
殃神氣運行三十五分總氣上元八景冥合

氣入玄玄中太皇上帝高真手把混元樓
災寶符坐鎮明堂泛景太霞嘯詠洞章金真
朗郁流響太微祿星順度攝制氛白烟左
回紫氣右歸化生玉儀千和萬合自然成真
真中有神扶桑碧宮洞神道君萬氣之祖長
生大君首建青霞身御綿紳無英公子白元
尊神太一注筆桃康俯庭執符把籙保命生
根上遊上清出入華房八冥之內細微之中
下鎮人身泥丸絳宮中理五氣混合百神十
轉回靈萬氣齊仙僊道貴生穰斥災氛神視

天門奄見皇君授子密語自識天真罪福禁
戒宿命因緣普受開度洞神生身身以道生
上聞諸天諸天之上永滅災因中有空洞謠
歌之章三真靈篇辭參高真

第一洞神道君禳災致福天市順度

之音

煌煌磊落 明威八回 下照世間
萬類所歸 順度則吉 逆天見衰
再拜金色 願應禳祈 災害不生
道德巍巍 仙道無休否 鬼道論興衰

何不觀太無
靈妙氣昭瓊
炯炯碧空上

玉闕雲煙飛
仙人挹香風
嬰顏等春回

洞神變青芽
嚙餌光徘徊
庶使扶桑道

鳳章藹清微
下憫朝生徒
疊疊輪轉間

不知洞神旨
躋躅拘籠樊
騁霄契高靈

字四

十四

偶景東華山

第二洞神道君禳災致福太微空洞

之章

碧光流映
金闕朱軒
燦燦星株

雲網繞天
繁秀貫珠
遲伏見災

靈寶度量上人上品妙經

留逆殃延

我有赤文

靈圖寶躔

交網合形

禳災赦愆

太上所祕

萬劫一傳

洞神元皇

冒禁下宣

霞章吐麗

丹書寫玄

除世厄尤

延道永年

扶順帝道

億劫無遷

連閣龍居

金光蜿蜒

吐火激波

蕩滌魔冤

與道冥一

三界列言

過度八難

氣入自然

第三洞神道君禳災致福紫微伏魔

之歌

圓景蕩蕩

金馬四馳

瓊車空遊

日將月隨

部衛萬神

三官拱儀

世有災數

水火陵夷

九六終窮

交換坎離

九靈鼓翮

龍驛轉機

兵刀雨暴

殺氣橫陂

災惡見象

十四

赤書布施

五帝執筆

四明捕非

杖氛淨蕩

福德洪深

帝壽萬年

巨民燕頤

荒服衍歌

慶善襲之

我歌洞文

丹輿綠雲

寶傘吹華

神風杳芬

紫宸周行

三台屏伸

十五

浩氣臨斗

流鈴鍊真

宸霞九色

太素之君

此三真太上洞神道君分化法身遊行太空
禳災萬福之音音參洞章誦之百徧名度南
宮誦之千徧魔王保迎萬徧道備飛昇太空
過度三界位登仙公有聞靈音魔王敬形勅
制地祇侍衛送迎拔出地戶五苦八難七祖
升遷永離鬼官災咎無留命福駢臻是謂無
量普度無窮有秘上天文諸天共所崇泄慢
墮地獄禍及七祖翁

道言此二章並是諸天上帝及禳災真王隱
祕之音皆是大梵之言非世上常辭言無韻
麗曲無華宛故謂玄奧難可尋詳上天所寶
祕於玄都紫微上宮依玄科四萬劫一傳若
有至人齋金寶質心依舊格告盟十天然後
而付焉

道言夫洞神禳災之法其道至妙自非體玄
究微不能悉知天人之災者運度否終日月
虧盈聖神休否末學疾傷凡有此災同氣皆
當齊心修齋六時行香十遍轉經福德立降

消諸不祥無量之文普度無窮

道言穰解種民之災或數窮命盡穰却不祥者或末學道淺仙品未充運應滅度身經太陰臨過之時同學至人爲其行香誦經十過以度屍形如法夫如法者爲穰世災不逮更

字四

十六

穰歿後之災也今既身沒魄逝而尚謂之災者謂水火之獄金鐵之獄考掠追召囚閉之災亦魂爽地下之災則於山水間寂之地封土爲壇北向析啓敷露五方真文玉書修齋誦經以解魂神逕上南昌隨其學功計日而

得更生轉輪不惑便得神仙

道言夫天地運終星宿錯度日月失昏四時
失度陰陽不調國主有災兵革四興疫毒流
行兆民死傷師友命過皆當修齋行香誦經
以五帝赤書五方靈文丹書碧素向方火而
颺之以栢木爲簡丹注其意穰解之文投山
水間埋著向處及有災之境則洞神大神收
攝災氣降致福祥夫齋戒誦經功德甚重上
消天災保鎮帝王下穰毒害以度兆民生死
受賴其福難勝故曰無量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得為聖君金闕之臣諸天記人功過毫分無失天中魔王亦保舉爾身得道者乃當洞明至言也

字四

十七

諸天中大梵隱語無量音 道君譔

扶桑洞神大道君穰苗靈書中篇

東方八天

箕鳴玉阜 東井變仙 牛室互交

六氣辯玄 禹披寶泰 玄躅迷夷

諸羅梵摩 陳塔萬微 馘竺由慈
字盼紛持 角卓護景 月帝陰霏
辜乾擊阨 變覺銘儀 仙柳說林
翼原巒微

南方八天

正坤元辨 巴真混東 紫丘適河
寂真相同 梵度遼普 金極洪壠
肇淨平育 阿彌思蒙 挺洞赤霞
晶晶碧容 桓羅閻救 率宰營忠
肆碑詩何 竟卓懋春 公建霜緣

哨粵垂雄 鬼澤龍偃 定白秘玄

學靈鄙露 支騫走檀

自鬼字叩四句係禳災密文

西方八天

奎婁應仙 旗高步蓮 綽真構攤

景復滋堅 太香玉度 球浪楚傳

牛室事無 寶秤默云 神諦梵數

青朗奏矜 龍霧伴就 丹壘淵弘

普載丁琥 驥駟揚誠 覽覺垌常

狐兵資興

北方八天

鬱儀結璘 飲聖功傳 朗都究明

道伯攸玄 爻宜轉綱 權融齒房

玉邈稽微 天魁迪延 畢老墟圩

景霽洞傷 陽復雷捷 越達聿蒼

蘇林奚充字四 神鳳膺張 寂區環極十八

道祕奇常

道言此諸天中大梵隱語無量之音舊文字
皆廣長一丈刻書大帝金宮扶桑青林玉葉
雙幹之上上禳天災下禳地禍中安民物神

風振之洞神發音氣徧九有和合萬靈使災
害不干萬真降庭天真皇人昔書其文以為
正音有知其音能齋而誦之者諸天皆遣洞
神禳災萬福神王下觀其身書其功勤上奏
諸天萬神朝禮地祇侍門大勲魔王保舉上
真道備尅得遊行三界昇入金門

此音無所不辟無所不禳無所不度無所不
成天真自然之音也故誦之致飛天下觀上
帝遙唱萬神朝禮三界侍軒群袂束首鬼精
自亡琳琅振響十方肅清河海靜默山嶽吞

烟萬靈振伏招集群仙天無氛穢地無祲塵
冥慧洞清大量玄玄也

元始无量度人上品妙經卷之四十四

字四

十七